

**Grad Novi Pazar**

**Skupština grada**

**Odbornička grupa SDA Sandžaka**

**Novi Pazar**

**15. jun 2023. godine**

**P R E D S J E D N I K U**  
**SKUPŠTINE GRADA NOVOG PAZARA**

Na osnovu člana 44. stav 1. i člana 149. Statuta grada Novog Pazara („Službeni list grada Novog Pazara“, broj 6/19), člana 44. stav 1. i člana 138. stav 1. Poslovnika Skupštine grada Novog Pazara („Službeni list grada Novog Pazara“, broj 6/19) podnosimo **PRIJEDLOG ODLUKE O UTVRĐIVANJU POSTUPKA I PRICNIPA IZMJENE I DOPUNE ODLUKE O STAJALIŠTIMA („Službeni list grada Novog Pazara“, broj 8/2010 i 7/2011) RADI POVEĆANJA BROJA TAKSI STAJALIŠTA NA TERITORIJI GRADA NOVOG PAZARA**, sa prijedlogom da se, shodno članu 109. Poslovnika Skupštine grada Novog Pazara, uvrsti u dnevni red na sjednici Skupštine grada koja je zakazana za 16. jun 2023. godine.

**Predsjednik odborničke grupe**

mr. Ahmedin Škrijelj

## PRIJEDLOG

Na osnovu člana 3. stav 1. tačka 5) Zakona o komunalnim delatnostima („Službeni glasnik RS“, broj 88/2011, 104/2016 i 95/2018), člana 20. stav 1. tačka 2), člana 32. stav 1. tačka 20) Zakona o lokalnoj samoupravi („Službeni glasnik RS“, broj 129/2007, 83/2014 – dr. zakon, 101/2016 – dr. zakon i 47/2018), člana 15. stav 1. tačka 2) i tačka 9), člana 46. stav 1. tačka 30), člana 147. Statuta grada Novog Pazara („Službeni list grada Novog Pazara“, broj 6/19) i člana 137. Poslovnika Skupštine grada Novog Pazara („Službeni list grada Novog Pazara“, broj 6/19), Skupština grada Novog Pazara na sjednici održanoj 16. juna 2023. godine, donosi

## O D L U K U

**o utvrđivanju postupka i principa izmjene i dopune Odluke o stajalištima („Službeni list grada Novog Pazara“, broj 8/2010 i 7/2011) radi povećanja broja taksi stajališta na teritoriji grada Novog Pazara**

### Član 1.

Nalaže se Odjeljenju gradske uprave za komunalne, stambene i poslove saobraćaja da izradi prijedlog izmjene i dopune Odluke o stajalištima („Službeni list grada Novog Pazara“, broj 8/2010 i 7/2011) ili prijedlog nove Odluke o stajalištima kojim će obavezno utvrditi:

- veći broj lokacija određenih kao taksi stajališta;
- tačne lokacije taksi stajališta;
- uslovi pod kojim registrovani taksi prevoznici mogu koristiti taksi stajališta bez davanja povlaštenog položaja bilo kom taksi prevozniku bez obzira da li se radi o pojedincu ili privrednom društvu;
- najmanje dvije lokacije kao taksi stajališta u mjesnim zajednicama na gradskom području i najmanje jedna lokacija kao taksi stajalište u mjesnim zajednicama na prigradskom i seoskom području;
- maksimalan broj taksi vozila koja mogu biti stacionirani na svako taksi stajalište pojedinačno;

Obaveza iz stava 1. ovog člana, izvršiće se u roku od 90 dana od dana stupanja na snagu ove odluke.

## **Član 2.**

Odjeljenje gradske uprave za komunalne, stambene i poslove saobraćaja će u postupku izrade akta iz člana 1. ove odluke održati najmanje jednu javnu raspravu kojoj će obavezno prisustvovati taksi prevoznici ili njihovi predstavnici i druge zainteresovane strane.

Predmet javne rasprave obavezno će biti vezan za utvrđivanje prijedloga novih lokacija za taksi stajališta i utvrđivanje uslova za korištenje istih.

## **Član 3.**

Ovu odluku objaviti u „Službenom listu grada Novog Pazara“.

## **SKUPŠTINA GRADA NOVOG PAZARA**

Broj:

U Novom Pazaru, 16. jun 2023. godine

**PREDSJEDNIK**

Dr. Anela Šemović

## **O B R A Z L O Ž E N J E:**

### **Pravni osnov za donošenje ove odluke sadržan je u:**

- članu 3. stav 1. tačka 5) Zakona o komunalnim delatnostima;
- članu 20. stav 1. tačka 2) i članu 32. stav 1. tačka 20) Zakona o lokalnoj samoupravi;
- članu 15. stav 1. tačka 2) i tačka 9), članu 46. stav 1. tačka 30) i 147. Statuta grada Novog Pazara;
- i članu 137. Poslovnika Skupštine grada Novog Pazara.

### **Razlozi za donošenje odluke:**

Razlozi za donošenje ove odluke sadržani su u činjenici da je usled povećanja broja stanovnika u Novom Pazaru porasla potreba za korišćenjem taksi prevoza koji se građanima pored ostalih i na ovaj način treba učiniti lakše dostupnim. Povećanjem broja taksi stajališta na ravnomjeran način na cjelokupnoj teritoriji grada Novog Pazara koristi građanima kao i taksi prevoznicima. Pored toga, a kako je to ovim prijedlogom definisano, Odjeljenje gradske uprave za komunalne, stambene i poslove saobraćaja je dužno utvrditi i prijedlog novih konkretnih lokacija koje bi se koristile kao taksi stajališta, s tim da se na teritoriji svake od gradskih mjesnih zajednica imaju odrediti najmanje dvije lokacije za taksi stajalište dok se u svakoj od prigradskih i seoskih mjesnih zajednica ima odrediti najmanje jedna lokacija za taksi stajalište kako bi se osigurala ravnomjerna dostupnost taksi prevoza građanima na cjelokupnoj teritoriji grada Novog Pazara. Ovom odlukom je takođe utvrđeno da se propišu i uslovi pod kojim se izdaje odobrenje za korištenje taksi stajališta bez davanja povlaštenog položaja bilo kom taksi prevozniku u odnosu na druge taksi prevoznike. Dosadašnja praksa i stanje na terenu govore da aktuelna lokalna vlast shodno političkim kriterijumima favorizuje pojedine taksi prevoznike u odnosu na druge. Ovo pitanje tj. uslovi korištenja taksi stajališta nisu propisani nijednim gradskim opštim aktom. Odlukom o taksi stajalištima (član 13.) utvrđeno je da će se uslovi i način korištenja taksi stajališta urediti Odlukom o auto taksi prevozu. Međutim, Odluka o auto taksi prevozu ("Službeni list grada /Novog Pazara", broj 7/2015) ne uređuje ovo pitanje što samo po sebi povlači obavezu da se propišu uslovi kod kojim će taksi prevoznici ravnopravno i pod jednakim uslovima moći da koriste taksi stajališta. Takođe, ovom odluke stavlja se u obavezu i uređivanje pitanja koje se odnosi na broj taksi vozila koja mogu biti stacionirana na svakom od taksi stajališta. Donošenjem ove odluke stvaraju se uslovi za poboljšanje rada taksi prevoznika i uvećanje profita koji ostvaruju. Ovom odlukom prisana je i obaveza da Odjeljenje za

komunalne, stambene i poslove saobraćaja do pobrojanih rješenja dođe isključivo kroz javnu raspravu, razgovor i usaglašavanje sa taksi prevoznicima i drugim zainteresivanim stranama i građanima. Donošenje ove odluke značajno je i sa društvenog aspekta jer sa na ovaj način efikasno rješava jedno od ključnih pitanja iz domena saobraćaja i komunalnih djelatnosti a sve u cilju kako bi se saobraćajno i komunalno uređenje grada unaprijedilo i kako bi se otklonili uočeni nedostaci u ovoj oblasti nastali, između ostalog, i zbog favorizovanja taksi prevoznika na osnovu političke pripadnosti tj, bliskosti trenutnoj a odlazećoj vladajućoj većini u Novom Pazaru.

**Objašnjenje pojedinih rješenja propisanih ovom odlukom:**

Član 1: Utvrđen je predmet odluke i rok njenog izvršenja.

Član 2: Propisana je obaveza Odjeljenju za komunalne, stambene i poslove saobraćaja da organizuje javnu raspravu u cilju utvrđivanja rješenja na koje ih ova odluka obavezuje.

Član 3: Propisana je obaveza objavljivanja u „Službenom listu grada Novog Pazara“.

**Finansijska sredstva za sprovođenje ove odluke obezbijediće se iz budžeta grada Novog Pazara.**